



UNIVERSITÄTS-
BIBLIOTHEK
PADERBORN

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.2. Familiares aliæ, pro varijs rerum eventibus , exercitationes.

[urn:nbn:de:hbz:466:1-47123](#)

flando retrahendōque spiritum (hoc est, aspirando & respirando) mentaliter dic IESVS. Verbi gratia, trahendo anbelitum, mente dic IE, emitendo verò, SVS; & ita singulis respirationibus toties dicas IESVS, quories anbelitum trahis, donec obdormias. Sic ille. Cui similem aliquam cogitationem, scio etiam quibusdam alijs viris pijs. incidisse.

Sed neque fortassis aspernandum, ut leve nimis, aut quo operosioris industria, quod hoc loco nonnulli ex quadam amoris ac pietatis in Crucifixum abundantia suggestunt; ut, quoad à nobis impetrare poterimus, brachijs aut manibus in crucis modum conformatis somnum captemus, & ita cum cruce & ipso Christo, piè ac dulciter obdormiscamus. Quà ratione antea à nobis indicatum est, Mariam Raggiam, manibus in crucis morem compositis, crucem complexam, cum Sponso suò condormivisse.

¶. 2.

Familiares aliae, pro varijs rerum eventibus, exercitationes.

JAm quod ad alias occasiones variè subinde oblatas attinet, potes ad hanc formam in earum occursum exerceri.

Si foras prodis, adjunge te Christo comitem: aut illum finge inter vias tibi occurrentem, sive quo habitu cum discipulis Jerosolymis egressus pertransiit torrentem Cedron, ad clivum Oliveti contendens; sive qualis onus vinculis & satellitum medius, ad Caypham, Herodem, Pilatum raptatus est; sive quà specie bajulans sibi crucem conscendit Calvariae collem.

Quòd si propter viam fortè offendis defixam crucem; dic cum Ecclesia: *Adoramus te, Christe, & benedic muhi,* quia per crucem tuam redemisti mundum.

Ad imaginem Crucifixi; dic, vivâ fide & cum animi sensu intimo: *Tu es Christus Filius Dei vivi;* atque in manus ejus commenda animam tuam.

Si

Si in pauperem incidis, si leprosus occurrit aut ulcerosus; agnosce in viva sua imagine JESVM pauperem & vulneratum: & subveni, si potes; si non potes, saltem commiserare.

Si cum aliquo apparatu ornatique aut pompa prodis; reputa tecum quam miserando habitu Christus, Pilato eum producente, coram populo comparuit; & erubescere, te vilem terrae vermiculum, tam dissimilem videri Deo tuo.

Si aliquid objectum fuerit quod sensus titillat, aut minus castas species ingerat; continuo oculos revoca ad Christum crucifixum, cuius amabilem speciem menti impressam circumferas; & illud ipse recum dicio: Amor meus crucifixus est; deliciae meae, plagae sunt Salvatoris mei.

Si in homines incidis indignis vocibus, seu quoque demum offensae genere, divinum Numen contumeliâ afficiens; commovere intimis sensibus, & dole ex animo, quod tot hominum sceleribus multiplicentur flagella Deo tuo. Illacryma, quod amor non ametur. Opta, vel morte tua & sanguine, redimere posse offensas Dei tui, tam indigna tamque acerba pro te passi.

Tandem si aliquâ injuriâ aut contumeliâ afficeris; recognita eum qui talē sustinuit à peccatoribus adversus semipsum contradictionem.

Si aliquâ laboras infirmitate: *Verè languores nostros ipsa, 53.*
ipse tulit, & dolores nostros ipse portavit. Si caput dolet, recordare coronæ spinis consertæ. Si febri æstuas; agonia & sanguinei sudoris.

Quidquid erit denique quod asperi aut adversi occurterit; tibi gratulare, quod tandem dignus habitus sis, qui aliquid cum Christo patiaris; gaudie (*quaer. B. Augustini vo-* *In ps. 54.*
ces sunt) quia inventus es in aliqua similitudine passionum Regis rui; offer illud æterno Patri una cum doloribus & passione Vnigeniti; isto denique qualicunq; patientie tua obsequio, Deo tuo illatas injurias supplere & compensare stude.

Hac arte facili, nec operosâ (si quis saltem ad eam, devotum animum & bonam voluntatem attulerit) magnum invenies solatium in adversis, robur in tentationibus; peccata vitabis, in virtutum studio multùm proficies, multiplicabis apud Deum merita; & labores tuos operaque omnia, ipsâ ad Christi passiones adjunctione, consecrabis & pretiosa facies, eritque vita tua perpetua quædam Christi patientis meditatio; eique te gratum exhibebis, & (quod à te exspectat) dolores illius certo quodam modo consolaberis, atque sancto amore Domini tui crucifixi magis ac magis inardescas.

Et quamvis ad hujus exercitij rationem ac vim demonstrandam, sufficient fortassis ea capita, quæ hic, loco exempli, & formâ modo, sigillatim proposuimus; facere tamen non possum, quin & hunc alterum paragraphum adjungam, ad uberiorē ejusce rei seu commendationem seu confirmationem.

§. 3.

Affines jam dictis, B. P. Francisci Borgiae ad usus eosdem commentationes.

Intra opuscula B. Francisci Borgiae, quæ etiamnam Dux Gandiae, ad sui aliorūque profectum scripsit, invenies exercitium isti quod proponimus non absimile, quod ipse ait appellari posse: *Speculum operum Christianorum*; in quo singulis diurnis operibus, aut alijs ex occasione occurrentibus, breves quasdam assignat considerationes, quibus homo præsertim in vita & mortis Christi commemoratione exerceat, tria hæc attendens per singula: *Primum*: ut se in singulis rebus confundat. *Secundum*: ut Deo gratias agat. *Tertium*: ut aliquid à Deo petat.

Atque ut nonnulla, quæ potissimum huc pertinent exempli causâ ponamus,

Cum